



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

9 OGOS 2022 (SELASA)



KERATAN AKHBAR DAN MEDIA ONLINE (KPDNHEP)

9 OGOS 2022 (SELASA)

Penyeludup lari tinggalkan 900 liter diesel

TUMPAT: Seorang penyeludup lari lintang-pukang dengan meninggalkan kereta Proton Iswara Aeroback yang sarat mengandungi 900 liter minyak diesel selepas kegiatan haram itu dikesan anggota penguat kuasa, Sabtu lalu.

Bagaimanapun penyeludup itu berjaya melarikan diri ke kawasan semak berhampiran selepas kereta tersebut ditahan di Jalan Kaki Itek Simpangan, dekat sini.

Ketua Pegawai Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Kelantan, Aswadi Jaafar berkata, rampasan tersebut dilakukan hasil kerjasama antara pihaknya dengan Batalion 8 Pasukan Gerakan Am (PGA) Pengkalan Chepa dan unit kereta peronda polis (MPV) dari Ibu pejabat Polis Daerah (IPD) Tumpat.

Menurutnya, bertindak atas maklumat risikan pada pukul 6.30 petang, sepasukan anggota bertugas bertindak mengekori kereta tersebut yang dipandu dalam keadaan mencurigakan.

Menurutnya, maklumat tersebut kemudian disalurkan kepada PGA dan MPV IPD Tumpat untuk bantuan lanjut.

"Kereta penyeludup itu ditahan oleh pihak MPV IPD Tumpat dan PGA dalam keadaan tayar hadapan pancit.

"Hasil pemeriksaan pasukan menemukan 30 tong *jerry can* mengandungi 900 liter cecair disyaki minyak diesel," katanya dalam kenyataan di sini semalam.

Jelasnya, nilai rampasan barang kawalan minyak diesel dianggarkan berjumlah RM1,935 dan kenderaan RM8,000.

Katanya, kesemua barangan yang disita itu disiasat bawah Akta Kawalan Bekalan 1961.

Senarai Harga Barang Keperluan	
Ayam	RM5.99
Daging Lembu Tempatan	RM36
Daging Lembu Import	RM53.90
Telur Gred A	RM12.90
Ikan Kembung	RM14
Minyak Masak	RM6.70
Gula Pasir	RM2.85
Bawang Besar Holland	RM2.99
Bawang Putih	RM4.90
Cili Merah	RM12
Kubis Tempatan	RM4
Tepung Gandum	RM2.60

*Harga (RM/kg) Sumber: KPDNHEP